

Član 22.
(Zaduživanje)

Općina Novi Grad Sarajevo se može kratkoročno zadužiti u skladu sa članom 67. Zakona o budžetima u Federaciji Bosne i Hercegovine ("Službene novine Federacije BiH", broj 102/13, 09/14, 13/14, 8/15, 91/15, 102/15, 104/16, 5/18, 11/19, 99/19 i 25a/22).

Kratkoročni dug koji nastane zaduženjem radi privremenog finansiranja deficita, nastalog iz gotovinskog toka otplatiti će se u periodu od jedne godine i niti u jednom vremenskom periodu u toku fiskalne godine neće preći 5% ostvarenih prihoda bez primitaka u prethodnoj fiskalnoj godini.

Član 23.
(Sudske presude)

Na osnovu člana 138. tačka 4. Zakona o izvršnom postupku Federacije BiH ("Službene novine Federacije BiH", broj 32/03, 52/03, 33/06, 39/06, 39/09, 74/11 i 35/12), Općina je obavezna vršiti plaćanje po osnovu sudskih rješenja, ali ne u cijelom iznosu, nego taj iznos može planirati da izmiri u određenom vremenskom intervalu, u periodu od 3 do 5 godina.

V - FINANSIJSKO IZVJEŠTAVANJE**Član 24.**
(Izvjestavanje)

Služba za finansije izrađuje sedmične, mjesečne i tromjesečne informacije ili izvještaje o utrošku tj. realizaciji sredstava planiranih u budžetu i dostavlja ih općinskom načelniku.

Služba za finansije dužna je dostavljati mjesečne i periodične izvještaje o realizaciji budžeta i stvorenim obavezama nadležnom Ministarstvu Kantona Sarajevo ili Federacije BiH u roku od 20 dana po isteku obračunskog perioda, u formi tabela, odnosno zakonski propisanim obrascima u skladu sa Pravilnikom o finansijskom izvještavanju i godišnjem obračunu Budžeta u Federaciji BiH ("Službene novine Federacije BiH", broj 68/14, 14/15, 4/16 i 19/18).

Jedinstveni općinski organ uprave dostavlja Općinskom vijeću periodične Izvještaje, odnosno Informacije o izvršenju budžeta za 2025. u roku od 20 dana po isteku obračunskog perioda.

Godišnji izvještaj o izvršavanju Budžeta dostavlja se općinskom načelniku najkasnije do kraja januara, Ministarstvu finansija Kantona Sarajevo i FIA (finansijsko informatička agencija) do kraja februara tekuće godine potpisan i ovjeren od strane certifikiranog računovođe i rukovodioca budžetskog korisnika ili ovlaštenog lica, a Općinskom vijeću do kraja juna tekuće godine.

VI - RAČUNOVODSTVO BUDŽETA**Član 25.**
(Računovodstvo)

Budžetsko računovodstvo zasniva se na računovodstvenim principima tačnosti, istinitosti, pouzdanosti, sveobuhvatnosti, pravovremenosti i pojedinačnom iskazivanju poslovnih događaja te na međunarodnim standardima za javni sektor.

Budžetsko računovodstvo vodi se po principu dvojnog knjigovodstva prema rasporedu konta iz analitičkog kontnog plana.

Općina Novi Grad Sarajevo budžetsko knjigovodstvo vodi u skladu sa standardnim budžetskim klasifikacijama:

organizacijska, ekonomska, funkcionalna, programska i fondovska/izvori sredstava.

Svi prihodi i primici, rashodi i izdaci iskazuju se u budžetu prema bruto principu. Budžet mora biti uravnotežen tako da ukupni prihodi i primici pokrivaju ukupne rashode i izdatke.

Prihodi i primici se priznaju u periodu kada su mjerljivi i raspoloživi, tj. kada su uplaćeni na JRT, (načelo modificiranog nastanka događaja).

Transakcije svih prihoda i primitaka, rashoda i izdataka i poslovne aktivnosti iz budžeta evidentiraju se u Glavnoj i Pomoćnim knjigama trezora.

VII - NADZOR, KONTROLA I REVIZIJA BUDŽETA**Član 26.**

(Nadzor, kontrola i revizija budžeta)

Nadzor nad upotrebom i trošenjem budžetskih sredstava vrši se putem interne i eksterne revizije u skladu sa zakonom.

Reviziju Budžeta vrši Ured za reviziju budžeta - proračuna u Federaciji BiH u skladu sa Zakonom.

Internu reviziju Budžeta vrši interni revizor u skladu sa Zakonom o internoj reviziji i Pravilnikom.

VII - JAVNOST I TRANSPARENTNOST BUDŽETA**Član 27.**

(Transparentnost)

U cilju obavještavanja javnosti o upravljanju javnim prihodima Budžet i Odluka o izvršavanju budžeta, Izmjene i dopune budžeta, te Odluka o privremenom finansiranju i Godišnji Izvještaj o izvršenju budžeta koji se podnose Općinskom vijeću na usvajanje, objavljivat će se u Službenim novinama Kantona Sarajevo i na službenoj web stranici općine.

VIII - PRELAZNE I ZAVRŠNE ODREDBE**Član 28.**

(Primjena Zakona)

Sva pitanja koja nisu regulisana ovom Odlukom, a tiču se izvršavanja, računovodstva i revizije Budžeta, primjenjivat će se odredbe važećih zakona.

Član 29.

(Stupanje na snagu)

Ova Odluka o izvršavanju Budžeta Općine Novi Grad Sarajevo za 2025. godinu stupa na snagu danom donošenja i primjenjuje se za fiskalnu 2025. godinu, a biće objavljena u "Službenim novinama Kantona Sarajevo", u redovnoj proceduri.

Broj 01-02-6578/25
01. aprila 2024. godine
Sarajevo

Predsjedavajući
Općinskog vijeća
Jasmin Šošić, s. r.

Na osnovu člana 25. stav (7) i člana 39. stav (3) Zakona o prostornom uređenju Kantona Sarajevo ("Službene novine Kantona Sarajevo", broj 24/17 i 1/18) i člana 15. i 18. Statuta Općine Novi Grad Sarajevo ("Službene novine Kantona Sarajevo", broj 1/24), Općinsko vijeće Općine Novi Grad Sarajevo, na 5. sjednici održanoj dana 27.03.2025. godine, donijelo je

**ODLUKA O PROVOĐENJU
IZMJENA I DOPUNA REGULACIONOG PLANA
"SOKOLJE"****- IZGRADNJA SPORTSKO REKREACIONOG CENTRA
"ZLATNO POLJE" I IZMJENA GRANICE OBUHVATA
- /SKRAĆENI POSTUPAK/****Član 1.**

Utvrđuju se Izmjene i dopune Regulacionog plana "Sokolje"- izgradnja Sportsko rekreacionog centra "Zlatno polje" i izmjena granice obuhvata, po skraćenom postupku, (u daljem tekstu: Izmjene i dopune Plana), koje se odnose na stvaranje planskog preduslova za izgradnju Sportsko rekreacionog centra "Zlatno polje" i izmjenu granice obuhvata Regulacionog plana "Sokolje" ("Službene novine Kantona Sarajevo", broj 18/17).

Član 2.

Član 2. Odluke o provođenju Regulacionog plana "Sokolje" mijenja se i glasi:

Granica obuhvata Plana polazi od tačke br. 1, koja se nalazi na međi parcela k.č. 4114 i 686, a ima koordinate y=6525877, x=4857859, zatim produžava na jugoistok sijekuci u pravoj liniji parcele k.č. 4114, 41, 40, i dolazi do tačke br. 2, koja se nalazi na parceli k.č. 40, a ima koordinate y = 6525886, x = 4857858, zatim produžava u pravcu sjevera i istoka, idući planiranom saobraćajnicom (obuhvata je) i dolazi do tačke br. 3, koja ima koordinate y = 6526062, x = 4858030, koja se nalazi na parceli k.č. 27/1, zatim produžava na jug sijekuci u pravoj liniji parcele k.č. 27/1, 28/1, 27/12 i dolazi u tačku br. 4, koja se nalazi na međi parcela k.č. 27/12 i 20/3, a ima koordinate y=6526084, x=4857942, potom nastavlja na sjeveroistok, te jug, idući međama parcela k.č. 27/12, 20/14, 20/2 (obuhvata ih), zatim se lomi na istok idući preko parcela k.č. 20/2, 20/12, 20/13, 17/1 (koordinate prelomnih tačaka: br. 5 y=6526120, x=4857915; br. 6 y=6526149, x=4857920; br. 7 y=6526150, x=4857924; br. 8 y=6526155, x=4857921) i dolazi u tačku br. 9 sa koordinatama y=6526166, x=4857920, zatim nastavlja na sjever idući putem k.č. 16/1 (ne obuhvata ga) i dolazi do planirane saobraćajnice (obuhvata je), te ide preko parcela k.č. 16/1, 8/1, 196/7, 196/2, 196/9, 196/6, 5, 205/3, 205/2, 4/2, 4/3, 4/4, 4/5, 2/4, 2/10, 3/3, 2/1, 2/6, 2/3, 217/13, 217/5 i dolazi u tačku br. 10 sa koordinatama y=6526555, x=4857950, koja se nalazi na međi parcela k.č. 217/5 i 216/1, potom produžava na istok, te sjever, idući preko parcela k.č. 216/1, 217/2, 217/10, 216/1, 216/12, 218/2, 216/4, 216/7, 227/3 (koordinate prelomnih tačaka: br. 11 y=6526587, x=4857941; br. 12 y=6526600, x=4857943; br. 13 y=6526664, x=4857942; br. 14 y=6526665, x=4857950; br. 15 y=6526670, x=4857959; br. 16 y=6526676, x=4857963; br. 17 y=6526678, x=4857967; br. 18 y=6526679, x=4857972; br. 19 y=6526679, x=4857977; br. 20 y=6526685, x=4857977) i dolazi u tromedu parcela k.č. 233/2, 233/1, 227/1, zatim produžava na sjever idući međom parcele k.č. 233/2 (obuhvata je), te nastavlja u istom pravcu sijekuci parcele k.č. 4114, 2145/10, 2145/4, 2145/7, i dolazi u tačku br. 21 sa koordinatama y=6526691, x=4858116, a potom skreće na zapad idući putem k.č. 2147 u dužini od 25m, te se lomi na sjever idući putem k.č. 2144 i dolazi do tromede parcela k.č. 2150, 2147, 2144, zatim produžava na sjever, te zapad, idući preko parcela k.č. 2144, 2140/1, 2142, 2140/1., 2140/3, 2134, 2129, 2131/1, 2131/12, 2131/1, 2118/3, 2131/2, 2131/7, 2118/3, 2118/2, 2112/4, 2112/2, 2112/1, 2118/7, 2111/1, 2111/7, 2111/1, 2118/1, 2111/1, 2087/1, 2086/2,

2086/1, 2086/3, 2090/5, 2091/1 (koordinate prelomnih tačaka: br. 22 y=6526696, x=4858202; br. 23 y=6526697, x=4858210; br. 24 y=6526670, x=4858232; br. 25 y=6526651, x=4858178; br. 26 y=6526693, x=4858165; br. 27 y=6526609, x=4858163; br. 28 y=6526572, x=4858182; br. 29 y=6526565, x=4858175; br. 30 y=6526507, x=4858174; br. 31 y=6526502, x=4858116; br. 32 y=6526465, x=4858114; br. 33 y=6526471, x=4858096; br. 34 y=6526482, x=4858087; br. 35 y=6526501, x=4858052; br. 36 y=6526402, x=4858123; br. 37 y=6526389, x=4858177; br. 38 y=6526401, x=4858187; br. 39 y=6526378, x=4858214; br. 40 y=6526380, x=4858221; br. 41 y=6526345, x=4858269; br. 42 y=6526340, x=4858266; br. 43 y=6526335, x=858294; br. 44 y=6526310, x=4858296; br. 45 y=6526304, x=4858313; br. 46 y=6526288, x=4858311) i dolazi do četveromede parcela k.č. 2091/2, 2091/1, 2090/5 i 2091/4, potom produžava u pravcu sjevera idući preko parcela k.č. 2091/3, 2085/2, 2085/3, 2085/1, 2093, 2094, 2084, 2081, 2097/1 (koordinate prelomnih tačaka: br. 47 y=6526252, x=4858391; br. 48 y=6526246, x=4858391; br. 49 y=6526256, x=4858435; br. 50 y=6526252, x=4858442; br. 51 y=6526250, x=4858462; br. 52 y=6526245, x=4858465; br. 53 y=6526221, x=4858465; br. 54 y=6526165, x=4858447; br. 55 y=6526164, x=4858462) i dolazi u tačku br. 56 sa koordinatama y=6526148, x=4858492, koja se nalazi na međi parcela k.č. 2097/1 i 2078, zatim produžava na sjever idući međama parcela k.č. 2078, 2080, 2072 (ne obuhvata ih), lomi se na zapad idući međama parcela k.č. 2073, 2075/1, 297/2, 299/4, 299/6, 255/7, 255/9, 254/7, 254/8, 254/9, 254/10, 253/2, 235/1, 234/1, 234/2, 233/1 (obuhvata ih) i dolazi u četveromedu parcela k.č. 365/1, 233/1, 310/9, 310/1, zatim nastavlja na jug idući međama parcela k.č. 310/1, 310/3, 310/4, 310/2, 310/1, 310/11, 310/10, 310/12, 310/13, 310/5 (obuhvata ih) i dolazi do tromede parcela k.č. 310/5, 310/1 i 309, potom nastavlja na jug sijekuci parcelu k.č. 309 (koordinate prelomnih tačaka: br. 57 y=6525739, x=4858485; br. 58 y=6525776, x=4858427; br. 59 y=6525801, x=4858412; br. 60 y=6525843, x=4858386) i dolazi u četveromedu parcela k.č. 309, 308/32, 308/28, 622, potom nastavlja u istom pravcu idući međama parcela k.č. 622, 625, 634/1 (obuhvata ih) i dolazi u tromedu parcela k.č. 636, 634/1, 983/1, zatim produžava na sjeveroistok idući putem k.č. 983/1 u dužini od 27 m, te se lomi na jug sijekuci u pravoj liniji parcele k.č. 664/2, 664/4, 664/1, 664/32 i 664/29 i dolazi u tačku br.61 koja se nalazi na međi između parcela k.č. 664/44 i 664/29, a ima koordinate y=6525894, x=4858122. Granica obuhvata produžava na jugozapad idući preko parcele k.č. 664/29 i dolazi u tačku br.62 koja ima koordinate y=6525861, x=4858103, te nastavlja u istom pravcu idući međom parcele k.č. 664/17 (ne obuhvata je) i dolazi u tromedu parcela k.č. 664/38, 664/37 i 663/4, potom se lomi na sjeverozapad sijekuci u pravoj liniji parcelu k.č. 664/37, te nastavlja na sjever, te jug idući međama parcela k.č. 653/2, 653/1 i 663/1 (obuhvata ih) i dolazi u tačku br.63 koja se nalazi na međi između parcela k.č. 663/1 i 675, a ima koordinate y=6525796, x=4857953, te produžava u pravcu juga idući u blagom luku preko parcela k.č. 675, 674, 673, 685/1, 672/3, 686 (koordinate prelomnih tačaka: br. 63 y=6525762, x=4858044; br. 64 y=6525770, x=4858013; br. 65 y=6525817, x=4857907; br. 66 y=6525841, x=4857881) i dolazi do tačke br. 1, odnosno mjesta odakle je opis granice obuhvata Plana i počeo.

Sve gore navedene parcele se nalaze u K.O. Rajlovac i K.O. Novo Sarajevo, općina Novi Grad Sarajevo.

Površina prostornog obuhvata Plana nakon izmjene granice iznosi P=44,34 ha.

Član 3.

Urbanističko tehnički uslovi za izgradnju građevina:

- Na parceli označenoj kao k.č. 663/1 planira se izgradnja Sportsko rekreacionog centra "Zlatno polje" (prema Idejnom projektu urađenom od strane I.D.E.A. d.o.o. Sarajevo), sa sljedećim sadržajima:
 - fitness sprave na otvorenom,
 - prostor za stoni tenis,
 - univerzalna sportska ploha za košarku i odbojku (dimenzija sa zaštitnim pojasom: 17,00x32,00 m),
 - univerzalna sportska ploha za rukomet i futsal (dimenzija sa zaštitnim pojasom: 25,00x40,00 m + montažne tribine kapaciteta 280 gledalaca, sve natkriveno balonom),
 - trim staza za trčanje,
 - prateći objekat u funkciji sporta i rekreacije (kancelarije, garderobe, ugostiteljski sadržaji itd.), spratnosti: P+1; gabarita: 8,00x32,20 m, tlocrtne površine 258 m², BGP površine 516 m²).

Predviđena su dva ulaza za pješake, jedan sa sjeverozapada i jedan sa juga, dok je kolski pristup predviđen sa planirane naseljske saobraćajnice na zapadu. Preostali dio parcele čine popločane i hortikulturno uređene i ozelenjene površine.

- Na dijelu katastarskih čestica 653/1 i 653/2, formirana je građevinska parcela za izgradnju objekta za predškolski odgoj i obrazovanje – vrtića, površine 865 m².

Planirani objekat je spratnosti: P-P+1, gabarita: 17,50x17,50 m (u građevinskoj liniji), tlocrtne površine 296 m², BGP površine 448 m², za ukupno 105 djece uzrasta od 0-6 godina (prema normativu: 4,2 m² korisne površine po djetetu i 3 m² površine dvorišta po djetetu).

Za potrebe vrtića, uz planiranu saobraćajnicu predviđeno je ukupno 8 parking mjesta.

- Na preostalom dijelu katastarskih čestica 653/1 i 653/2, planirane su uređene zelene površine sa šetnicama, šahovskim terenom, uz postavljanje urbanog mobilijara.
- Izmjenama i dopunama Plana je izvršeno usaglašavanje saobraćajnog rješenja sa rješenjem koje je dato Regulacionim planom "Individualno stanovanje Rajlovac", na način da je korigovana trasa planirane naseljske saobraćajnice u jugozapadnom dijelu predmetnog obuhvata plana; predmetna saobraćajnica (na situaciji označena kao A1-D-D2), predstavlja naseljsku saobraćajnicu koja spaja naselje Sokolje sa susjednim planovima "Briješćem" i "Individualno stanovanje Rajlovac". Gabarit iste iznosi 2x3,0 metra kolovoza + obostrane pješačke staze širine po 2,0 metara. Između tačaka D-D2, sa desne strane saobraćajnice planiran je parking sa 19 PM.
- Izgradnja na predmetnom lokalitetu je moguća uz ispunjenje urbanističko - tehničkih uslova koji se odnose na novu izgradnju, a koji su naznačeni u Odluci o provođenju Regulacionog plana "Sokolje" ("Službene novine Kantona Sarajevo", broj 18/17), i u skladu sa preporukama Elaborata o inženjersko-geološkim i geotehničkim karakteristikama terena za potrebe izrade Regulacionog plana "Sokolje" ("PIGIP" d.o.o. Sarajevo,

rađen u augustu 2014. godine i dopunjen u januaru 2018. godine).

- Za planiranu izgradnju na parcelama koje su ovim izmjenama i dopunama pridružene obuhvatu RP "Sokolje", a koje nisu obuhvaćene navedenim Elaboratom, neophodna je izrada Detaljnog geotehničkog izvještaja koji podrazumijeva izvođenje detaljnih geotehničkih radova na mjestu buduće izgradnje objekata koje, prema Zakonu o geološkim istraživanjima Kantona Sarajevo ("Službene novine Kantona Sarajevo", broj 41/12), izvodiprivredno društvo koje je registrovano za ovu djelatnost kod mjerodavnog suda, a koje ima rješenje Federalnog ministarstva energije, rudarstva i industrije o ispunjavanju uslova za bavljenje registriranom djelatnošću iz oblasti geologije, čime će se definisati precizni uslovi izgradnje planiranih sadržaja te eventualne preporuke za sanaciju terena.

Član 4.

Uslovi za uređenje zelenih površina:

- Aktivnosti na izgradnji i uređenju zelenih površina u okviru ovog Plana, bazirati na adekvatnoj tehničkoj dokumentaciji, tj. idejnim/izvedbenim projektima vanjskog uređenja sa hortikulturom, koji trebaju biti sastavni dio projektne dokumentacije za izgradnju rekreativnih terena, objekata, te saobraćajnica.
- Projekti moraju biti urađeni od strane stručnog i odgovornog lica i /ili registrovane firme za projektovanje zelenih površina, a u skladu sa smjernicama ovog Plana.
- Potrebno je obezbijediti nadzor prilikom izvođenja svih hortikulturnih i drugih radova, kao i tehnički pregled svih izvedenih radova na realizaciji zelenih površina svih kategorija unutar ovog Plana.
- Kod projektovanja obezbijediti ažuran katastar podzemnih i nadzemnih instalacija.
- Vanjsko uređenje sa hortikulturom mora biti završeno prije tehničkog prijema i otvaranja objekta i terena.
- Sadni materijal odabranih vrsta, prvenstveno dendroflora, ali ostalih elemenata biološke komponente (perene, sezonsko cvijeće i trava) moraju biti visokog kvaliteta, rasadnički odnjegovane uz obavezan certifikat, te osim parametrima: uzrastom, razvijenošću debla, krošnje i korijenovog sistema moraju odgovarati mikrostanišnim uslovima sa mogućnošću njege u prvim godinama nakon sadnje.
- Prilikom izgradnje arhitektonskih i drugih objekata, treba skidati sloj plodnog zemljišta i koristiti ga kod formiranja zelenih površina svih kategorija u obuhvatu Plana, ali i šire.
- Lokacije predviđene za komunalnu infrastrukturu, tj. smještanje kontejnera, treba hortikulturno obraditi, vodeći računa o tome da se ne remeti proces pražnjenja kontejnera, ali i o tome da se te lokacije funkcionalno i vizuelno odvoje od namjene u kojoj su smješteni.

Član 5.

U skladu sa izmjenom saobraćajnog rješenja, izvršena je izmjena idejnih rješenja komunalne infrastrukture, i ista su

usaglašena sa Regulacionim planom "Sokolje" ("Službene novine Kantona Sarajevo", broj 18/17).

Član 6.

Izmjene i dopune Plana se sastoje iz tekstualnog i grafičkog dijela.

Tekstualni i grafički prilozi Izmjena i dopuna Plana sastavni su dio Regulacionog plana "Sokolje" ("Službene novine Kantona Sarajevo", broj 18/17).

Član 7.

Po jedan primjerak Izmjena i dopuna Plana se nalazi na stalnom javnom uvidu i čuva u Službi dokumentacije Općine


Novi Grad Sarajevo i Zavoda za planiranje razvoja Kantona Sarajevo.

Član 8.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-6582/25
01. aprila 2025. godine
Sarajevo

Predsjedavajući
Općinskog vijeća
Jasmin Šošić, s. r.



Na osnovu člana 3. Zakona o jedinstvenom uređivanju prava na gotovinsku naknadu pojedincima u Federaciji Bosne i Hercegovine ("Službene novine Federacije BiH", broj 9/10), člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09), člana 171. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 - Prečišćeni tekst, 38/16, 44/17, 28/18, 52/21 i 40/22), člana 18. i 33. Statuta općine Novi Grad Sarajevo ("Službene novine Kantona Sarajevo", broj 1/24) i Budžeta općine Novi Grad Sarajevo, Općinsko vijeće na 5. sjednici održanoj dana 27.03.2025. godine, donosi

ODLUKU O IZMJENAMA I DOPUNAMA ODLUKE O JEDNOKRATNOJ NOVČANOJ POMOĆI PORODICAMA SA TROJE I VIŠE DJECE NA PODRUČJU OPĆINE NOVI GRAD SARAJEVO

Član 1.

U Odluci o jednokratnoj novčanoj pomoći porodicama sa troje i više djece na području Općine Novi Grad Sarajevo ("Službene novine Kantona Sarajevo", broj 1/24), u članu 3. stav 1. alineja 1. iza riječi "školovanju" dodaju se riječi "na teritoriji Bosne i Hercegovine".

U stavu 1. alineja 2. iza riječi "godine" dodaju se riječi "prije podnošenja zahtjeva".